



### K11「JA 青年創意實驗概念店」中學生實現創業夢

由非牟利機構青年成就香港部（JAHK）主辦嘅「JA 青年創意實驗概念店」日前舉行，來自 77 間中學嘅 1,700 名中學生，喺近百名義務商界顧問指導下，組成近 70 間學生公司，以創業家身份進駐尖沙咀 K11 Art Mall，仲推出過百款產品，包括原創服飾、家居擺設等，將創業夢想實體化。

黛安知道，東華三院黃笏南中學同學創立嘅 STRAY 獲得「最佳市場營銷獎」及「最佳陳列獎」，佢哋推出以慈善機構阿棍屋收容所中 3 隻動物為藍本設計嘅斜頂袋，希望喚醒社會對棄養寵物嘅關注，仲承諾每賣 1 件產品，就將 25% 盈利捐畀阿棍屋，真係好有意義。路德會呂祥光中學同學創立嘅 Fuk Fong Tong，則推出採用 100% 大豆蠟製成、有 3 種香味且加入中草藥元素嘅無火香薰蠟燭，仲獲得「最佳商品獎」㗎。



▲東華三院黃笏南中學同學獲得兩個獎項（冼偉倫攝）

<https://skypost.ulifestyle.com.hk/article/3481478/K11%E3%80%8CJA%E9%9D%92%E5%B9%B4%E5%89%B5%E6%84%8F%E5%AF%A6%E9%A9%97%E6%A6%82%E5%BF%B5%E5%BA%97%E3%80%8D%20%E4%B8%AD%E5%AD%B8%E7%94%9F%E5%AF%A6%E7%8F%BE%E5%89%B5%E6%A5%AD%E5%A4%A2>